

Reykjavík, 7. mars 2019.

Menntamálaráðuneytið

Góðan dag,

F.h. GRAFÍU stéttarfélags í prent- og miðlunargreinum fagna ég stuðningi víð bókina og bókaútgáfu í landinu. Mikilvægt er í þessu samhengi þegar veita á styrki til að efla útgáfu íslenskra bóka að horfa til þess að vinnsla á öllu ferlinu þegar bók verður til sé innanlands. Fyrir liggur að fagþekking sem felst í hönnun, umbroti, prentun og bókbandi er öll til staðar innan lands. Undanfarin ár hefur stór hluti bóka sem gefinn hefur verið út verið unninn á Íslandi og víst er að prentiðnaður hefur þjónustað bókaútgáfur um margra ára skeið og átt mjög stóran þá í því að bókaútgáfa hefur verið svo blómleg á Íslandi. Nú hefur sú þróun færst stórlega í aukana að bækur eru unnar erlendis sem leitt hefur til þess að prentsmiðjur hafa ekki séð sér fært að fjárfesta í tækjabúnaði til að mögulegt sé að framleiða bækur af sama krafti og áður.

Því er mikilvægt við þessa ákvörðun um styrkveitingu að skilyrða styrki við innanlands framleiðslu. Þar vísa ég til að breyta þarf 1. gr. um gildissvið og einnig 4. gr. þar sem vísað er til þess að vinnsla geti einnig verið á EES svæðinu innan EFTA eða í Færeyjum.

F.h. stjórnar GRAFÍU stéttarfélags í prent- og miðlunargreinum.
Georg Páll Skúlason, formaður